

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj: 7/10) i Programa utroška sredstava u Ministarstvu za rad, socijalnu politiku i izbjeglice za 2022. godinu broj: 02-11-1194/22 od 20.01.2022. godine i 02-11-12327/22 od 11.08.2022. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 170. sjednici, održanoj 01.09.2022. godine, donosi

ZAKLJUČAK

I.

Odobravaju se Ekmekčić Adnanu, povratniku u Orlovik, općina Žepče, novčana sredstva u iznosu od 6.138,00 KM (slovima: šest hiljadastotinutridesetosam konvertibilnih maraka) na ime pomoći za sanaciju krova na stambenom objektu s ciljem stvaranja minimuma stambenih uslova i potpore održivom povratku na područje općine Žepče.

II.

Sredstva iz tačke I. ovog zaključka isplatit će se iz Budžeta Zeničko-dobojskog kantona za 2022. godinu („Službene novine Zeničko-dobojskog kantona“, broj: 1/22 i 14/22), razdjel 20, budžetska organizacija 01, potrošačka jedinica 0001, ekonomski kod 615200, subanalitika KAD 202, pozicija Budžeta: „Sredstva za podsticaj povratka izbjeglih i raseljenih lica“.

III.

Odobrena sredstva će se uplatiti na transakcijski račun Ekmekčić Adnana, broj: 1613000011844919 otvoren kod Raiffeisen banke, sa naznakom svrha uplate: „Pomoć Ekmekčić Adnanu, povratniku u općinu Žepče, na ime pomoći za sanaciju stambenog objekta imenovanog“.

IV.

Za realizaciju ovog zaključka zadužuju se Ministarstvo za rad, socijalnu politiku i izbjeglice i Ministarstvo finansija svako u okviru svojih nadležnosti.

V.

Obavezuje se Ekmekčić Adnan da Ministarstvu za rad, socijalnu politiku i izbjeglice Zeničko-dobojskog kantona, po završetku sanacionih radova, a najkasnije do 31.12.2022. godine, dostavi dokaz o namjenski utrošenim sredstvima (fiskalne račune ili priznanice za nabavku materijala i ugradnju istog) s ciljem pravdanja odobrenih sredstava.

VI.

Zaključak stupa na snagu danom donošenja.

Broj: 02-_____/22

Datum, 01.09.2022. godine

Z e n i c a

PREMIJER

Mirnes Bašić

DOSTAVLJENO:

1x Ministarstvo za rad, socijalnu politiku i izbjeglice,

1x Ministarstvo finansija,

1x Ekmekčić Adnan, Orlovik bb, Žepče

(putem Ministarstva za rad, socijalnu politiku i izbjeglice)

1x a/a.